








спб/мр/хипи











ANTIQUÆ
INSCRIPTIONIS,
QVA L. SCIPIONIS
BARBATI F. EXPRESSVM
est elogium, Explanatio.

PARISIIS,

M. DCXVII.

PARADIGMA INSCRIPTIONIS.

HONCOINO·PLOIRVME·COSENTIONT·R
DVONORO·OPTVMO·FVISE·VIRO
LVCION·SCIPIONE·FILIOS·BARBATI
CONSOL·CENSOR·AIDILIS·HIC·FVET·A
HEC·CEPIT·CORSICA·ALERIAQVE·VRBE
DEDET·TEMPESTATEBVSAIDE·MERETO

*Incisa est in Lapide longo palmos V. uncias IV. lato
palm. II. unc. X. hac fere forma & inaequalitate
characterum: nisi quod eos sculptor, ob tabellae an-
gustias, pene sibi coherentes pressius finxit, cum in
Lapide contra laxioribus spatiis distinguantur.*



ANTIQVÆ

INSCRIPTIONIS,

QV A L. SCIPIONIS

BARBATI F. EXPRESSVM

est elogium, Explanatio.



FFossa est altero abhinc anno Romæ ad portam Capenam hæc Inscriptio. quæ quod interpretem fortasse nacta non sit, hætenus neglecta & sine honore iacuit : à nonnullis

etiam, quos merito rideas, barbari sequiorisque sæculi suspicione damnata est. Mihi vero, nisi mea me fallit coniectura, egregium hoc monumentum, nulli omnium quæ Romæ sunt vetustate concedere, atque inter præcipua memorabile videtur. Quod ut tute, Lector, mecum sentias, ubi sinceram eius sententiam expressero, res ipsa, ut spero, persuadebit. Sic enim legendam censeo.

Hunc unum plurimi consentiunt Romæ

a ij

*Bonorum optimum fuisse virum
 Lucium Scipionem. Filius Barbat
 Consul, Censor, Aedilis hic fuit.
 Hic cepit Corsicam, Aleriamque urbem;
 Dedit Tempestatibus adem merito.*

Nunc ergo suam ipsa, ut vides, prodit ætatem.
 Nam cum L. Scipionem, cuius elogium
 continet, Barbati filium vocet; Barbatum au-
 tem in Scipionum familia vnicum sciamus fuisse
 Cornelium Scipionem Barbatum, qui anno v. c.
 C D L V R I. comitia Consulium creando-
 rum causa Dictator habuit, & anno insequente
 Pontifex Max. ædem Concordiæ, Liuius teste,
 dedicauit: reliquum est, ut ad proxima omnino
 tempora Inscriptionem hanc referamus; atque
 adeo Duiliana ipsa, quæ vetustatis nomine præ
 omnibus hodie celebratur (si tamen hæc vere illa
 est antiqua, & non alia potius interpolata, pri-
 orisque loco, ut fama est, à posteris restituta)
 nihilo recentiore esse fateamur. cum Duilij
 victoria naualis, cuius honori columna illa
 rostrata posita est, in annum inciderit ab v. c.
 CDXCIII. quem annum qui excepit, is L. Scipi-
 onem Consulem vidit, & res ab eo in Corsica
 gestas, quæ hoc elogio commemorantur.

Iam æuo illi, hoc est prisco & antiquo sæculo,
 congruere obsoletam vocum literarumque for-
 mam, quæ tota cernitur Inscriptione, quis ne-
 get? Quanquam vox quidem in ea nulla est, si
 Duonum excipias, quæ Latina prorsus & vsitata

non sit. Duonum autem pro Bono ab antiquis dici solitum auctor est Festus, apud quem etiam in Topper, Duona ad naues portare vetus scriptor ait, pro eo quod est Bona portare; & in Carmine Saliari Duonus ceruses, ut Grammatici exponunt, Bonus est creator. Hac igitur voce dempta, reliquæ omnes vulgo notæ sunt, sed à communi tamensu remotæ, vel orthographiæ dissimilitudine, vel inepto, ut videtur, discrepantium casuum nexu & coniunctione, vel denique inusitata duarum maxime literarum forma & caractere. Ceterum hæc omnia, ut ostendam, non exoticam barbariem, sed Romanam vetustatem illam redolent, quam dixi.

Atque ut hinc potissimum exordiar, L istud vncinatum, & P ad FI Græcorum instar semiclausum, in alijs etiam eiusdem æui monimentis, nummis scilicet, tabulisque æreis videre est; & à nobis ipsis utriusque olim exemplum in Priuernatis lapidis fragmento, in quo APPIOS CONSOL inscriptus legebatur, animaduersum meminimus. Rursû quod O pro V passim exhibet in HONC, COSENTIONT, LVCIOM, & alijs, non opificis errore vel inscitia, sed ex eo prorsus veterum more factum est, quo hæc inuicem, Fabio teste, permutabant, ut Hecoba, NOTRIX, & Dederont, Probaueront. Eodémque modo quia pro V longa nunc OI nunc OE vsurpabant; hinc est quod OINO pro VNO scriptum est, &

lib. I.
cap. 4

6 ANTIQ. INSCRIPTIONIS

PLOIRVME pro plurume; sicut in alia Inscriptio-
 ptione Alatrina coirauit pro curauit, & in Silio-
 rum plebiscito apud Festum oetier pro vtier. At
 vero V contra I loco scribere, vt PLOIRVME, OP-
 TVMO, vsque adeo Romæ ab antiqua consue-
 tudine inoleuerat, vt quod Optimus, Maximus,
 mediam I literã, quæ veteribus V fuerat, accepe-
 rint, C. primum Cæsaris inscriptione factum fe-
 rant. Ita quod E similiter I quoque locû occupat
 in PLOIRVME; FVET, DEDET, TEMPESTATE BVS,
 & MERETO, prisca itidem vetustatis est indi-
 cium, vel Duiliana columnæ argumento, in
 qua Exemet pro Exemit & Cepet pro Cepit, aliaq.
 id genus visuntur: & Inscriptionis eiusdem Ala-
 trinae, in qua hæc inter alia ita scripta sunt,
 OBHAS RES SENATVS FILIO STIPENDIA
 MERETA ESE IOVSIT. Quibus in verbis
 aliud præterea extat in ESE & IOVSIT antiquæ
 scripturæ vestigium, quod & in hac quoque
 nostra in FVISE, & in Duiliana inscriptione
 in CLASES impressum est; cum simplici S hæc
 omnia scribantur, quæ gemina solemus. quia se-
 miuocales, vt idem Fabius obseruat, non gemi-
 nare diu fuit vetustissimi moris. Denique eius-
 dem omnia notæ comperies, si cetera perse-
 quare. Nam nihil est omnino, seu literarum for-
 mam spectes, seu variam illarum inter se per-
 mutationem, quod temere aut casu positum, &
 ab illo quem dixi prisca antiquitatis fonte du-
 ctum non sit. Restat vt de verborum nexu &

lib. 1.

cap. 7

iunctura dicamus: in quo vereor ne difficilius sit persuadere.

Quis enim Romæ vnquam ita locutos putet, Lucium Scipione, cepit Corsica, dedit æde? aut quis cetera fere omnia, quæ ad eum modum vix cohærent, Latinæ linguæ legibus aduersari & solœcismis scatere non censeat? Verum hîc tu mihi, Lector, paulisper, vt ait ille, sustine patientiam, & vide, num quod vitio errorique imputas,tribuendum sit potius vetustati. Quid enim? an contra Grammaticæ leges scriptû dici potest, quod eius artis vsum & leges omnes anteceffit? Grammatica olim Romæ, vt Suetonius Tranquillus testatur, ne in vsu quidem erat; rudi scilicet ac bellicosa gente armis potius quam liberalibus disciplinis vacante: primusque vt idem opinatur, eius artis studium in urbem intulit Crates Mallotes, Attali regis legatus, inter secundum & tertium bellum Punicum, hoc est annis post Scipionem Barbatum supra centum & viginti. Ante id tempus, Grammaticæ regulis nondum constitutis, vna Romę loquendi scribendique lex erat populi consuetudo. Quæ quoniam continuo in motu varia erat, & subinde mutabatur; ita Romanæ tum linguæ magnas fieri necesse fuit mutationes: mirum vt proinde non sit, vel Saliorum carmina vix tandem Sacerdotibus suis satis intellecta fuisse, quod Fabius affirmat; vel Polybij ætate, vt ipsemet narrat libro tertio, ægre etiam ab antiquitatis peritissi-

*lib. de
illust.
Græ-
mat.*

mis potuisse explicari verba fœderis, quod Romani primum cum Carthaginiensibus post exactos reges pepigerant. Non ergo, si quid est in ista Inscriptione, quod aures nostras accuratis Grammaticorû præceptionibus assuetas offendat, id tanquam à recte loquendi scribendique legibus abhorrens illico damnandum est. sed illius potius ætatis agnoscenda conditio, quæ nullis adhuc erudita magistris, cum scriptores nondum ullos haberet, quorum exempla sectaretur, in primis quodammodo linguæ suæ cunabulis balbutiebat. Posthæc enim secuta est artis disciplina, elegantissimorumque auctorum imitatio, quæ rudem linguam perpoliuit, breuique ad eam perfectionis dignitatem perduxit, quæ florente republica vixit, stetitque quandiu Romana res stetit. tum exinde cum imperio ipso sensim deflexit: & quod in ædificijs, ceterisque rebus accidere solet, per eosdem gradus & incrementa, quibus adoleuerat, reuocata, pristinam rursus ad infantiam, balbutiêmque redacta est.

Atque hæc quidem ita differui, quasi in confesso esset, Latinitatis leges neque in hac Inscriptione seruatas, neque illo sæculo eas fuisse, quæ postea fuerunt. Quid si contrà nihil in ea esse contendamus, quod Grammaticorum placitis repugnet, totamque istam, quæ admirationem parit, vitiosæ orationis speciem, ab eadem ipsa, quam in ceteris ostendimus, pronuntiandi scribendique antiqua

que antiqua consuetudine natam esse? Enimvero si rem propius intueare, animaduertes profecto, ea, quæ in hoc genere reprehenduntur, omnia ferme vnius M. literæ defectu in extremis aliquot vocibus laborare. Hanc autem, ut exilis & obscuri, cum dictiones claudit, soni, nec enuntiari, nec scribi olim solitam, tum maxime cum insequentium dictionum à vocali erat initium; atque hoc more, quod Fabius itidem ^{lib. 9. cap. 4.} obseruat, DIE HANC, non, DIEM, scripsisse. Censorium Catonem quis nescit? Fac igitur, quod Catonis ætate tum fiebat, cum proximæ dictiones à vocalibus inchoabantur, id L. Scipionis rudior adhuc æuo fieri consueſſe, qualecūque illarum eſſet initium: atque ita, ubi M. litera in eius elogio expreſſa non eſt, expreſſam puta, ut OINOM, DVONOROM, OPTV-
MOM, VIROM, legas, & L. SCIPIONEM, itemque CEPIT CORSICAM, ALERIAMQVE VRBEM, & DEDET AIDEM: iam ſalua, atque integra erunt omnia; nullæ paraproſes, nulla vocum abſona connexio, nihil denique quod Criticorum amuſſim cenſuramque reformidet.

Sed de Inſcriptionis verbis, totaq. illorum cōpoſitione ſat multa: nunc paucis quid illa rerum nos doceat (docet autem ſane permulta) conſideremus. Primum enim acceptum huic ferant neceſſe eſt Romanæ hiſtoriæ ſtudioſi, quòd Scipioni Barbato filium fuiſſe docet, cum Barbati filium ij, qui Romanorum ſtem-

mata describunt, nullum prodant. Nos verò huius admonitu L. Scipionem, non illum sanè, qui anno CDLV. Consul factus, in Hetruria, vt *lib.* Liuius narrat, non in Corsica rem gessit; sed alterum anni CDXCIV. Consulem, Barbato patre natum didicimus. Hic enim est, quem de Corsis, Sardisque, & Pœnis proximo post anno triumphasse notant tabulæ Capitolinæ, cuiusque in Corsica victoriæ in Epitome Liuiana, & apud Florum, Eutropium, Orosium, & alios crebra est mentio. Ac ne quis ambiguo locus esset, Aleriam quoq. claram olim eius Insulæ urbem, Sul- *Lib.* lana posthæc, vt Plinius scribit, colonia nobilitatam, à Scipione captam tum fuisse, Zonaras, *cap. 6* vel Dio potius apud Zonaram testatur: etsi pro Aleria Valerjam vocat; sed mendosi codicis vitium, vt hoc illi etiam inter cætera debeamus, corrigit Inscriptio. Et quamquam dissimulandum non est, L. Scipionem hunc, qui de Corsis triumphum egit, Lucii filium in Fastis appellari, Scipionem autem Barbatum à Liuiο Publium dici, non Lucium: nemo tamen est, qui non intelligat facilius fuisse, vt vel in tabulas Capitolinas, vel in Liuij codicem error irreperet, quàm vt Inscriptiois huius, quæ L. Scipionem Barbati filium facit, in dubium vocari fides queat.

Quale porro est, quod eadem L. Scipionis Censuram (vt de Aedilitate nihil dicam) commemorans, simul nos quomodo restitui Capitolinæ tabulæ debeant, admonet, docetque C. Duilij

anno CDCCXCV. in Censura collegam Lucium hunc Scipionem fuisse, quem ex eæ tabulæ tribus tantum extremis literis designant? Scio aliter doctissimoviro, & Romanæ historiæ peritissimo, visum Onufrio Panuinio, qui Cn. Scipionem Asinam suspicatus est. At vero assentiri ne possim facit, partim quod L. Scipionis censuræ locus in Fastis nullus erit, nisi hic concedatur; partim quod si Cn. Scipio Cenfor cum Duilio fuisset, ut placet Onufrio, prælatus illi haud dubiè in Fastis esset, cum prior quoque in Consulatu, quem biennio antè una gessit, nominetur. Lucius autem noster cur Duilio in Censura postponatur, in promptu causa est, quod Consul quoq. post illum fuisset. Quare supplere sine fuco ex Inscriptione nostra licet, quod in tabulis Capitolinis eo loco desideratur. De Tempestatum autem æde quid dicam? siue illa est ædes Tempestatis, quam P. Victor in prima urbis regione, cui à porta Capena nomen, locat, siue alia uspiam ab hac diuersa, quod mihi ægrè persuaserim, quis nisi in hoc lapide legeretur, non eius ædis conditorem ignoraret? Causam quidem cur Tempestati data sit ædes, exortam in mari Corsico tempestatem fuisse significat Ovidius, nec obscuri eius sunt versus è VI. Fastorum.

*Te quoque, Tempestas, meritam delubra fatemur,
Cum penè est Corsis obruta classis aquis.
Sed quam multos hæc ipsa Corsicæ procellæ*

lib. 30. commemoratio, dum afflictae classis ductorem,
adisque auctorem quærunt, in errorem induxit?
Nam fuere qui ad Claudium Neronem anni DLI.
Consulem, cuius atrox & naufragio proxima
tempesta à Liuiο describitur, referendum cen-
ferent: alij rursus Marcello; alij Metello, fri-
uolis omnes ducti rationibus tribui maluerunt.
quibus nimirum si elogium hoc legere licuisset,
nunquam dubitassent, quin ex illius verbis pe-
tenda esset Ouidiano sum versuum interpretatio.

Et tot igitur hisce nominibus in lucem prodire
tam illustre monimentum intererat, & ipsius in
primis, cuius laudes exequitur, L. Scipionis,
quem bonorum ætatis suæ virorum optimum
in tenebris perpetuò iacere par profecto non
erat: & tamen apud alios quidem scriptores
hoc eius virtutis præconium frustra quærās; ita
de illo silent omnes, cum P. Nasicam ex eadem
gente centum ferè post annis optimum virum
Senatus sententia iudicatum; dignumque, qui
Magnæ Matris simulacrum exciperet habitum,
plurimi literis prodiderint; & in Atilij Calatini
sepulcro non dissimile incisum elogium Cicero
ipse in Catone non sileat, Quem plurimæ con-
sentiunt gentes populi primarium fuisse virum.

Cuius ego Atiliani elogij quoties remini-
scor, toties in mentem venit, ad L. quoque Sci-
pionis sepulcrum pertinuisse Inscriptionem in
qua versamur: vt duorum clarissimorum ci-
uium, ætate, honoribus, rebus gestis prope

æqualium, coniuncta fuerint vt loco, sic etiam tituli gloria & similitudine monumenta. Etenim extra portam Capenam & Calatini, & Scipionum sepulcra fuisse, vel ex eodem M. Tullio notum est: ad Capenam autem effossam ^{in sc.} hunc lapidem fuisse præfati initio sumus. Nec verò laborandum censeo, quoniam intra vrbis mœnia est effossus, sepeliri autem intra mœnia mos non erat, eône aliquando translatus è sepulcro, an sepulcrum ibi olim conditum, & mœnia post id tempus cum pomærij finibus translata sint. Quoquo enim modo res habeat, suus nimirum honos & pretium erit Inscriptioni; tibi que, vt confido, Lector, iam satis persuasum, non abs re illam à nobis principio laudatam, dignaque quam merito magni omnes faciant visam esse, quæ præter vetustatis commendationem, tanti viri memoriam prope inter mortuam excitavit, & iocundam simul non vulgariurn & hætenus ignotarum rerum notitiam complectatur. Romæ anno M. DC. XVI.

THE LANCET

Published weekly, except on Sundays and Public Holidays.

Price 6d. per copy.

Subscription price, £1 10s. per annum in advance.

Single copies, 6d. each.

Advertisements are received for insertion.

Terms of advertisement, see opposite page.

Printed and Published by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.

Printed by J. & J. G. Smith, Ltd.


Printed by J. & J. G. Smith, Ltd.


Printed by J. & J. G. Smith, Ltd.


Printed by J. & J. G. Smith, Ltd.

Printed by J. & J. G. Smith, Ltd.


Printed by J. & J. G. Smith, Ltd.

















SPECIAL

86-B
22643

THE GETTY CENTER
LIBRARY

GRACE BINDINGS
BRIXHAM
DEVON ENGLAND

